

PURGUNTAS KI MÁŠ TA FAZEDU SOBRI UN VIZITA PA SENTRU DI DIFEZA I APOIU DI KRIANSAS (CAC)

N pode xinta ku nha fidju durante intrivista?

Pais ka ta xinta ku ses fidju durante intrivista. Apizar di ki as ves é difísil pa kriansas fala sobri kel kuza ki kontise, maioria di kriansas ta xinti más a-vontadi pa fala ku Intrivistador Forense sen prizensa di ses pais.

N pode xinta ku Ekipa durante intrivista?

Pais ka pode xinta ku Ekipa durante intrivista. Pamodi kel li é un invistigason, menbrus di Ekipa ta prisiza obiserva ku kuidadu, avalia, i dokumenta intrivista, i pur isu es ka ta pode risponde bus purguntas. Bu pode riuni ku Ekipa dipos di intrivista pa bu obi kuze ki pasa i pa bu faze kualker purguntas.

N pode fika ku nha fidju durante izami médiku?

SIN. Bu pode fika ku bu fidju durante izami médiku. Infermeru ta riuni ku pais/inkaregadás di idukason prumeru pa izamina istorial médiku di kriansa. Adulísentis pode kre fala ku infermeru es so.

Kuze ki N debe fla nha fidju sobri vizita pa CAC?

Kriansas ta fika más trankuilu ora ki es fladu kuze ki es pode spera. Bu debe fla bu fidju ma el sta bai fala ku algen sobri kuze ki kontise ku el. Bu pode fla bu fidju ma kel intrivistador é un algen ki ta fala ku un monti di kriansas. Bu ka debe nunca fla bu fidju kuze ki el debe fla, más bu ta inkuraja-l pa el fla verdadi. Alguns kriansas ta meste pa algen trankuiliza-s i fla-s ma es ka faze nada eradu.

Bu ta dexe bu fidju sabe ma el pode fazedu un izami médiku, má kel izami ka ta due i bu ta fika djuntu ku el.

Keli é úniku bes ki nha fidju ten ki fala sobri kuze ki kontise?

Partisipason na es intrivista ka ker dizer ma bu fidju nunca más ka ten ki fala sobri kuze ki kontise. Prokurador Adijuntu i Difensor di Vítimas i Tistimunhas ta fala ku bo sobri disizon di leba kel kazu pa tribunal i diskuti involvimentu di bu família na prusesu di tribunal. Tanbe, kriansa pode kre kontinua ta fala sobri kel spirénsia ku família, amigus i/o el pode ser inkurajadu pa el fala ku un konselheru, pa djuda-l lida ku ses pensamentu i sentimentu en rilason a kuze ki kontise.

Sobri Vizita di bu Fidju pa CAC

Kontakitá-nu na:

Children's Advocacy Center of Suffolk County
989 Commonwealth Avenue
Boston, MA 02215
Tilifoni: (617) 779-2146 / Fakis: (617) 779-2196
www.suffolkcac.org

Sentru di Difeza i Apoiu di Kriansas di Kondadu di Suffolk é un organizason sen fin lukrativu 501(c)3.



CHILDREN'S ADVOCACY CENTER
of suffolk county

Rikuperason ta Kumesa Li.



CAC ta konsentra
na kuze ki é más inportanti:

Siguransa i benistar di kriansa.

Nu sabe ma kel-li pode ser un mumentu diffsil, stresanti i konfuzu pa bo i pa bu fidju. Nu ta spera ma es informason li ta djuda-u intende kuze ki bu pode spera antis, durante, i dipos di vizita di bu fidju pa Sentru di Difeza i Apoiu di Kriansas (CAC) di Kondadu di Suffolk.

Sentru di Difeza i Apoiu di Kriansas (CAC) di Kondadu di Suffolk ten un ekipa multidisiplinar di prufisionais pa invistiga kazus di abuzu di kriansa i kazus ki un kriansa pode ser tistimunha di un krimi. Djuntu, nu ta trabadja ku pulisia, prokuradoris, asistentis susial, difensoris, prufisionais di saúdi médiku i mental i otus, pa nu ofereze sirvisus spisializadu i di kualidadi pa kriansas vítima di abuzu i ses famílias.

Maioria di invistigason di abuzu ta iziji un intrivista di kriansa. Pa riduzi númeru di bes ki bu fidju ta meste ser intrivistadu, nos Sentru ta kordena un úniku intrivista inisial di bu fidju. Na es tipu di intrivista normalmenti bu fidju ta fala ku un Intrivistador Forensi, omesmu tenpu ki menbrus di Ekipa ta obiserva kel intrivista trás di un spedju ki ten so un ladu.

SIRVISUS

Team Interview:

- Ta minimiza númeru di bes ki bu fidju ta intrivis tadu i ta limita númeru di pesoas ki ten ki intrivista bu fidju diretamenti;
- Ta pirmiiti-u pa bu konxe tudu prufisionais ki sta ta trabadja ku bu fidju i ku bu família i ta da-u un oportunidadadi pa bu faze purguntas.

Sirvisus Médiku:

- Nu ten un infermeru Spisializadu pa faze bu fidju un izami médiku o fala ku bo si el ten kualker purguntas o priokupason.

Difeza i Apoiu (Advocacy):

- Ta dadu difeza i apoiu pa djuda bu família konsigi sirvisus ki el meste i pa djuda famílias durante prusesu di tribunal.

Sirvisus di Saúdi Mental:

- Bu família ta resebe informason sobri sirvisus di saúdi mental ki ten na bu kumunidade pa satis faze nisisidadis spisífiku di bu família.

Dipos di Intrivista: Intrivistador Forensi ta leba fu fidju di volta pa sala di spera ora ki intrivista tirmina. Prufisionais di Ekipa ta faze un riunion rápidu pa diskuti informason ki es obi na intrivista i midjor manera ki es pode djuda-u abo i bu fidju. Dipos bu ta konvidadu pa riuni ku Ekipa pa fala sobri intrivista, prósimus pasu i sirvisus ki bu pode meste o kre. Bu ta ten tenpu sufisenti pa bu faze tudu purguntas ki bu tene.

Izami/Konsulta Médiku: Ora ki pode izisti abuzu, ta djuda senpri pa faze un izami médiku. CAC di Kondadu di Suffolk ten Infermerus trenadu i spisializadu pa faze izamis médiku di kriansas i adulisentis.

Kel izami médiku é ka invazivu nen ka ta due. Pai o mai o inkaregadu di idukason pode fika djuntu ku kriansa durante kel izami.

Kel izami médiku pode fazedu na omesmu dia di intrivista di bu fidju o el pode markadu pa otu ora, si kela é mas midjor.

O bu fidju faze o ka faze kel izami médiku, Infermerus pidiátriku spisializadu ta sta dispunível pa fala ku bo (pai/mai o inkaregadu di idukason), bu fidju, o pidiatra di bu fidju, sobri kualker purgunta o priokupason ki nhos tene.

Akonpanhamentu: Menbrus di Ekipa ta mante-u informadu sobri invistigason i situason di kazu di bu fidju. Bu Difensor ta sta senpri dispunível pa fala ku bo sobri kualker sentimentus, priokupason i riasons ki bo o bu fidju pode tene. Kel Difensor i otus menbrus di Ekipa ta djuda-u konsigi sirvisus.

Nu ten prufisionais atensiozu ki pode fika-u ku mininu pikinoti enkuantu bu ta fala ku ekipa di CAC.

VIZITA DI BU FIDJU PA CAC

Antis di bu vizita: Un menbru di Ekipa ta kontakita-u pa splika sirvisus di CAC, responde kualker purguntas ki bu tene, i marka un ora pa intrivista i/o izami médiku di bu fidju.

Ora ki bu tbiga: Bo ku bu fidju(s), nhos pode spera na nos sala di spera ki ten brinkedus i kuzas pa kriansas.

Duranti Intrivista Bu ta pididu pa bu fika na sala di spera enkuantu bu fidju sta ta ser intrivistadu. Bu fidju ta fala ku un Intrivistador Forensi, omesmu tenpu ki menbrus di Ekipa ta obiserva kel intrivista trás di un spedju ki ten so un ladu.